

## Budžo

Sa ćiro ćoroŕe ćidan  
Ćoroa ando budžo.  
E agora e budžese phanglan,  
e rovlji maškar lende ispidan.

Akana ašćares po lačhipe  
Vi bilačhipe e rajengo:  
Sar von mothana  
Gajda vazdel pe opre  
Thaj mećel pe tele  
Ćiro vas e budžea.

Thaj na te gîndis,  
kathe te aćhes ćorea,  
tu naj san manuš  
kale manušendar,  
tu naj san manuš,  
kale phuvjatar,

Tu naj san khanći  
Maj but ćire phangle budžestar,  
savo khate brešenca trajil  
piro trajo biputardo  
bimanušcano.

[Jovanović, Ilija (2000) Bündel / Budžo. Gedichte / Djila (Deutsch / Romanes), Landeck, S. 16.]